

衛生家寶產科備要

衛生家寶產科備要卷第七

胎孕方

人參白朮散治婦人經候不來身如病而無病脉滑大而六部俱勻必有孕也精神如故惡聞食臭或但嗜一物或大吐或時吐清水此名惡阻切勿作他疾治之

白朮壹兩

去蘆切焙

人參半兩

去蘆切焙

丁香

油者剉碎懷乾

甘草

炙各壹分

右爲末每服參錢水壹盞生薑參片  
同煎柒分盞去滓溫服食前嘗驗之  
清晨意味佳自午後漸惡者是有孕  
無疑也

千金半夏茯苓湯治妊娠惡阻病其  
證心中憤悶虛煩吐噦惡聞食氣頭眩  
四肢百節煩疼沉重多卧少起惡寒汗  
出疲極瘦悴

半夏

湯泡  
七遍

茯苓

去皮  
剉碎

熟乾地黄

水略洗熟乾  
劉碑慢火焙

各壹兩貳錢

橘皮

去白

細辛

去華

人參

去蘆切  
片子焙

白芍藥

劉

旋覆花

揀淨

芎藭

洗劉

桔梗

去蘆  
劉

甘草

炙劉

各捌錢

右拾壹味為麤末每服肆大錢水壹

盞半生薑伍片煎至柒分盞去滓微

熱服

方有隨病加減及相繼合  
服茯苓圓並見千金本方

八枳殼散妊娠至五月以後能順氣瘦胎

易產

枳殼捌兩

去穰麩炒秤

甘草肆兩

炙秤劉碎

右爲細末湯點貳錢空心晚食前日

兩服入月參服

陳逍遙水酒散能治妊娠百疾安養胎

氣自伍陸箇月以後常服至產時草蓐

之間痛當減半

當歸

洗去蘆須切片子焙

槐角

擇淨炒香

枳殼

去穰麩炒

川芎

洗劉

貝母

去心薑汁製  
壹宿焙乾

右伍味等分爲細末每服貳錢水酒  
各半盞同煎至柒分盞食空時服臨  
月日進兩叁服

檳榔散治姙娠常若肯腹脹滿兩脇  
妨悶飲食不下四肢無力頻服能滑胎  
益氣

檳榔

剉碎

赤茯苓

去皮剉

前胡

去蘆

各壹兩

人參去蘆切  
片子焙

白朮去蘆切  
片子焙

芎各半兩

陳皮去白

枳殼去穢  
麩炒各叁分

甘草壹分炙剉

右玳瑁爲細末每服貳錢水壹盞薑  
叁片棗子貳箇煎至柒分盞溫服日  
兩服

治胎不穩坐卧不得安方

木賊去節  
剉

川芎洗剉

右貳味等分爲細末每服肆錢水壹  
盞入金銀同煎至陸分盞去滓空腹  
溫服日參服取効

六  
治妊娠偶因所觸或墜高傷打致胎  
動不安腹中痛不可忍方

縮砂不以多少熨斗中熯火炒令  
熱透去皮取仁

右爲細末每服貳錢熱酒調下須臾  
腹中胎動處覺極熱即胎已安



治胎動若胎已死即下未死即安及  
治血下心腹滿者如湯沃雪方即  
用聖功川芎湯用大劑酒水各半  
煎連參服取効本方在後

千金蟹爪湯治妊娠閃撲僵仆失據胎  
動轉上搶心甚者血從口出逆不得息  
或注下血壹斗胎死不出母氣欲絕服  
此母即安血亦止當產者立下未產者  
胎再安

蟹爪半盞

以多為佳

甘草

炙剉

桂

去皮剉不見火

各壹兩

阿膠壹兩

剉碎用蚌粉炒炮起篩去蚌粉用

右以東流水拾盞煮前參味至伍盞去滓入阿膠再煮至膠洋盡頓服為佳不能者分減服一時辰間取盡劑已不能飲者斡開口灌之

又方治胎動及難產子死腹中若姙兩子壹子已死壹子尚生服之能

令死者出生者安與前千金蟹爪湯方同唯不用桂耳

葱白湯治姙娠傷寒頭疼發熱不可同常法治之用此藥最穩

大蔥白拾莖

去青連鬚用或小者加至貳叁拾莖切碎

生薑貳兩

切碎

右用水貳碗煮至壹碗去滓分兩叁服熱服之取效快

白朮散治姙娠傷寒

白朮

去蘆切  
片子焙

黃芩

剉碎

右等分剉用新瓦上炒香爲細末每服參錢水壹盞生薑參片棗子壹枚同煎至陸分盞熱服唯四肢逆冷陰證見者未可服

治妊娠傷寒大熱甚胎不安者方

阿膠壹兩

洗剉碎以蛤粉末同炒起篩去粉候冷入碾

右爲細末每服貳錢竹瀝調下卒無竹瀝用小麥竹葉同煎湯調亦可

治妊娠傷寒大熱令胎不落方

竈底黃土爲末

右用新水調塗臍下周廻伍陸寸乾即復塗頻頻爲之熱退乃止方或用酒及泔清調皆可

治妊娠小便卒不通方

果茶藟葉壹兩

燒灰研

滑石半兩

研細

右同研勻每服壹貳錢用臈茶清調

入生油貳參點服只沸湯調亦得

又方

赤連珠甘遂

右爲末每服壹字至半錢湯調下

如喫

了藥且不得服有甘草藥半日或壹日緣二藥相反故也

產前方

榆皮滑胎散姙娠入月宜服之多徃徃坐蓐不覺胎下如未入月不可先服

榆白皮貳兩

切焙

右爲細末每服貳錢煎糯米飲調下  
空心食前服

黑神散催生及治橫逆生服之即順  
百草霜

右爲細末每服貳錢用米醋童子小便  
各少許調成稀膏沸湯侵至陸分盞溫服  
催生桂散有三五日不能產者只壹  
服再服神驗

官桂

去皮曬乾  
不得見火

右爲細末每服貳平錢沸湯或童子小便調下

治難產或橫倒生或胎死不出母氣欲絕方

半夏

湯泡柒  
遍焙乾

白欬

右等分爲細末每服貳錢酒調下不能酒者湯調小難壹服橫生貳服倒生叁服胎死肆服加瞿麥壹倍尤良又方治應干難產胎衣不下只叁服



以蛇皮燒過或以銚子炒微黑

右研細入麝香少許用熟湯調通口服之每服壹錢

又方

車前子

不以多少

右爲細末用熟湯或小便調服貳錢

又方

雲母粉半兩

右以酒調貳錢即產不順者即順下

易產方

當歸壹兩半

去蘆須  
切片焙

桑寄生半兩

揀淨

川芎壹兩

剉碎

右爲麤末每服肆錢水酒各半盞煎至陸分去滓通口服不許時

小琥珀散安胎氣調血脉應是產前產後血氣諸疾俱能療治神効

川芎陸兩

揀顆顆如核  
桃肉者生剉

川當歸去尖梢蘆頭淨肆兩

好酒  
浸壹

宿燂火炙令黃色  
不得焦候冷切細桑寄生貳兩

右焙乾搗羅爲末每服貳錢水捌分  
盞煎至陸分却入好酒貳分更煎參  
兩沸溫服孕婦臨月空心壹服至卧  
蓐時胎滑易生惡物亦少新血便生  
臟腑自然不痛

下死胎方

朴消壹兩

右爲末每服貳錢溫童子小便調下

嘗因產試之極驗

下鬼胎方婦人稱孕坐產乃不下有經  
三五日者乃鬼胎也

蜀椒貳兩

去目  
微炒

葱貳握

桃頭枝拾肆枚

右用水壹斗煮熟乘熱傾盆器中令  
婦人坐上薰蒸之當自散

治草蓐或產後血暈悶絕兼治魘死  
卒死溺死縊死等謂之五絕  
中風牙

關緊氣不通用之亦驗

生半夏壹兩

右爲細末用壹豆許蘆管吹入鼻竅中即甦

產後方

牛膝湯治胞衣不出令胞自爛

牛膝

酒浸壹宿控乾切碎焙乾

瞿麥

剉

各壹兩

滑石貳兩

槌碎

當歸叁分

去蘆須切片焙

通草壹兩半

切

葵子貳合半

右陸味用水玖盞煎取參三盞分作參肆服

當歸建中湯治產後虛羸不足腹中痼痛吸吸短氣或小腹拘急痛引腰背不能飲食凡產後壹月內服參肆劑爲善令人丁壯古方云產前安胎四物湯產後補益建中湯者謂此也

當歸貳兩

剉去蘆秤

官桂壹兩半

剉去皮秤

白芍藥叁兩

甘草壹兩

炙

右爲麤末每服肆錢水壹盞半生薑伍片棗貳箇同煎柰分盞去滓入飭少許再煎微熱服空心食前日叁服如喜嘔人不用入飭

聖功川芎湯治產後血虛迷悶旋運耳鳴不省人事胃膈不快惡心嘔逆化惡血生好血尤治血崩血噤亦治頭疼發熱如傷寒證者治病甚多此產家之要藥也

大芎半兩

當歸壹分

去蘆

右貳味紙剉作壹劑用水壹盞半好酒壹盞同煎至壹盞半分貳服如新產血未定及平常飲酒少人但只用水貳盞煎兩箇陸分盞却將童子小便添成兩箇捌分盞服之

琥珀黑神散治產婦十八惡證凡臨產宜進壹貳服能安神順胎產後雖無疾柒日內亦日進壹貳服能去諸疾壓驚若



偶被驚恐或變證當連服取効

琥珀

別研如麵細

辰砂

別研

各貳錢

麝香

別研

好墨

燒過研

白殭蚕

炒

各壹錢

當歸末

鯉魚鱗灰

百草霜

白附子末

黑衣

即竈額上倒掛黑塵無即以鹽衣燒灰代

各叁錢

右拾味研勻每服貳平錢炒生薑酒

和童子小便調湯盪溫服如產後崩

中狀似雞肝寒熱閉悶或產後四肢  
浮腫及寒熱當先服此散次服通宣圓  
通宣圓

巴豆壹拾伍粒去心膜生絹袋盛  
於礬灰汁中煮拾沸取出用紙厚  
裹壓於重物下出油研成霜却取  
黑散參錢匕無灰酒調成稀膏入  
瓷器中於鐺內重湯煮令稠入巴  
豆霜和令可圓

右圓如菉豆大每服伍圓熟水下婦用

毒藥落胎不能下子爛於腹中臍穿時出小此骨病極朱子東遂用此圓下枯骨一具而愈

圓頗難用須審之

八味黑神散治產後百疾唯瀉而加喘者本方不治凡產後雖無疾日進貳服能調血順氣去諸疾服七日止

當歸去蘆頭酒浸焙乾白芍藥剉

乾薑炮烈桂去皮不見火剉

熟乾地黄剉焙蒲黃紙襯銚炒香用

甘草

劉炙

各半兩 黑豆壹兩

炒

右爲細末每服貳錢溫酒米飲童子  
小便任意調服之

烏金散治產後胞衣不下或惡露不快  
敗血衝心血運狂語不省人事心煩躁  
渴臍腹疼痛嘔吐發熱增寒腫滿或攻  
皮膚刺痛凡產後半月內雖無疾宜日  
服之有疾加進

黑豆肆兩

淨擇

黃連半兩

去須  
劉碎

生薑肆兩

切作錢子

當歸

去蘆頭

蓬莪茂

剉

各壹兩

椶皮貳兩

搗開

右先下生薑黑豆炒直候薑將乾次下黃連當歸同炒更候豆心透紫色即以椶皮點火入藥鑊中與所炒藥同燃至椶皮成燼即傾淨地上盆覆之少頃取爲細末每服貳錢童子小便調下

劉寄奴飲治產後惡露不快敗血上攻  
心胃煩躁大渴悶乱眼黑旋運或見鬼  
神臍腹疼痛嘔噦惡心不進飲食

劉寄奴貳兩

擇去梗  
草秤

當歸壹兩

去蘆頭  
切焙

甘草貳錢

炙劉

右爲麤末每服貳錢水壹盞半生薑  
柒片煎至柒分盞去滓熱服凡治血  
暈藥須乘開煎下以備急用

當歸一味散治產後諸疾調養血氣

子王

亭指迷論言產後不必服他藥唯此壹散足矣

當歸叁兩

去蘆須切片焙

右爲細末每服貳錢童子小便或酒調下日叁服從產下便服之

荆芥一味散治血噤中風等疾取効爲快無疾服之能順氣益血清神

荆芥穗

曬乾不見火

右爲細末每服貳錢童子小便調下七日後沸湯調以當飲茶甚佳

秤槌酒治產後疾最多尤治兒枕不散作痛

鐵秤槌燒通赤

右淬壹升醇酒中候酒再溫可飲飲之調當歸末服尤効

人豆淋紫酒治產後中風身癱直或如角弓反張

黑豆揀緊小者淨篩壹升炒令煙出以好酒叁升浸即漉出豆不用



右每服壹小盞能飲者加之

△產婦忽患寒熱如傷寒時氣狀切不可用麻黃藥發其汗以亡津液多故也宜服四物湯加桂服之

四物湯方在後

△治產後傷寒惡露不行腹脹煩悶欲死方

朴消

生

大黃

生

右等分爲細末每服貳錢取桃仁去

皮尖及雙仁者碎之濃煎湯調下以  
通爲度樊彥取妻熱病小產後惡露  
爲熱所搏不行苦腹脹煩悶枯竭舌  
上如生針刺鑿以朴消煎湯令漱口  
得稍潤用大黃煮醋調服壹大錢  
得通快而愈與此略同

**人**傷寒產後惡露爲熱搏不行煩悶脹  
喘狂言宜服抵當湯及桃仁承氣湯龐  
安常用之驗指迷論亦云

龐論云若服  
之十病十瘥

桂心牡礪湯治產後頭疼身躰壯熱兼治腹內急痛

桂心壹兩半

略去皮  
不見火

牡礪

燒通  
赤

白芍藥

劉碎

熟乾地黄切各貳兩

黃芩壹兩

劉碎

右件劉如麻豆每服抄肆伍大錢水壹盞半煎至柒分盞去滓溫服

人增損柴胡湯治產後虛羸發熱飲食不進少腹脹竿寸疾

柴胡

去苗水洗過  
控乾剉焙

人參

去蘆切  
片子焙

半夏

湯泡七遍  
切片子

甘草

炙

白芍藥

剉

陳皮

去白

芎

洗剉

右柒味等分爲麤末每服肆伍錢水

壹盞半生薑伍片棗貳箇煎至柒分

盞去滓溫服日兩參服不拘時

人參散治產後虛羸脾胃怯弱四肢

無力不思飲食心腹氣脹

人參

去蘆切片子焙

黃耆

剉碎用蜜湯拌銚內慢火炒次微焙

草豆蔻

略煨去皮剉

附子

炮裂去皮臍切片子

厚朴

剉去麤皮薑製一宿次日取出照焙乾

各半兩

白朮

去蘆切片子焙

當歸

洗去蘆須切片子焙

木香

剉懷乾

川芎

洗剉

白芍藥

剉

桂

去麤皮不見火

白茯苓

去黑皮剉

甘草

炙剉各壹兩

訶子皮

陳橘皮

去白

高良薑

剉碎用油少許炒透

各壹分半

右拾陸味爲麕末每服肆錢水壹盞  
生薑伍片棗子貳枚煎至陸分盞去  
滓溫服

治產後惡露不絕方

牡礪

煨通赤

龜甲

好醋浸炙黃

右等分爲細末每服貳錢酒調下

治產後洞泄不禁下青黑惡物神驗

方

泄瀉者惡露必不行蓋血滲入大腸爲瀉也分過則愈

荆芥肆伍穗大者烘乾

右於乾盞中燒成灰

不得犯油火

入研了麝

香壹米粒許用沸湯壹兩呷調下藥微而能愈大病奇効不可言

治產後下痢赤白膿血方

白芍藥

剉

熟乾地黄

切

各貳兩

阿膠

剉用蛤粉末同炒起篩去粉

艾葉

揀淨剉碎

當歸

去蘆頭切片子

甘草

炙

各壹兩

右爲麤末每服陸錢水貳盞煎至捌分盞去滓溫服

若產後大便頻腹疼如痢狀者傷於

食也宜服食藥感應圖爲佳他亦可

用

產前飲食不着未久而產後亦成痢狀不必推求產後食飲多少也

治吹妳腫硬須急用手忍疼毒揉之可散不尔當成乳癰宜服此藥

皂莢

燒存性  
研細

蛤粉

右等分研勻溫酒調下半錢未散稍加服藥次仍以手揉之

治吹妳或兒絕妳後腫痛不可忍方



括萋壹箇

去皮先取子研破  
殼次同穰爛研

右以酒漬同熬數沸去滓浸冷酒和  
令可飲隨量飲之令微醉睡醒痛當  
頓除去

萬金散治妳癰已破兼治發背腦疽

瓜萋壹箇

去皮  
細剉

生甘草半兩

沒藥壹分

令研

右同研用酒以盞石器中熬至參盞  
分參服疾輕者只壹服効本注云已

救活數百人

通用四物湯治婦人女子月事或多或少或前或後妊娠腹痛胎氣不安產後血塊不散或亡血過多或惡露不行凡婦人之疾無不主治本方及加減法如後

當歸

去蘆須切片焙

川芎

洗剉

熟乾地黄

切焙

雪白芍藥

剉

右等分爲麤末每服肆錢水壹盞半煎至捌分盞澄取陸分清汁帶熱服

平常產乳服至參朮虛弱人服至壹月。妊娠下血加艾伍朮葉阿膠末抄壹錢此每服也若疾勢重大小料末効當以肆味各半兩細剉不搗以水肆盞煎取貳盞半去滓分肆服壹日之中令盡爲度未効再服隨疾加減用藥。因虛致熱熱與血搏口舌乾渴加括萎壹兩麥門冬叁分。腹中刺痛惡物不下加當歸芍藥各壹分。血崩

加地黃蒲黃各壹兩。因熱生風加  
芎壹分柴胡去苗半兩。身熱脉燥  
頭昏項強加柴胡去苗并黃芩各半  
兩。秘澁加大黃半兩桃仁壹分去皮尖炒  
。泄瀉加桂附子壹分。嘔加白朮人  
參各半兩。腹脹加厚朴枳實各壹  
分。發寒熱加乾薑牡丹皮芍藥各  
壹分。虛煩不得眠加竹葉人參各  
壹分。煩躁大渴加知母石膏各半

兩。水停心下微吐逆加豬苓茯苓防  
已各壹分。虛寒狀類傷寒加入參柴  
胡防風各叁分

此活人書加減法也大抵四物湯  
爲婦女要藥無所不治稍知藥性  
者皆可隨病加減治血方未有不  
本此湯因而增損以成者近時名  
醫有加香附子功用殊勝又有加  
蓬莪朮官桂各半兩名六合湯治

經血凝滯潮熱腹中癰塊疼痛尤  
快皆以意加之也

追命散治婦女血癥積聚疼痛漸致  
經候隔絕稍失醫治便成勞瘵又治產  
婦危惡變證胎死上衝悶運欲絕及產  
後血運他藥所不能救者又治打撲傷  
損筋斷骨折及破傷風凡此等疾證候  
危惡醫工縮手無藥可治此能治之有  
起死返魂之功雖其人氣已死但心頭

尚暖者灌之藥下咽可以再生

先用前  
半夏吹

鼻法然  
後下藥神功異効不可具述

半兩錢肆伍拾文多尤佳

乃古文錢  
中上作半

兩字者錢有大小皆  
可用錢中常有之

火煨通赤淬釅醋

中不計次數於醋底淘取淬下碎

銅末研之麤礪乳鎚者去之別以

水淘澄取如粉者紙上滲乾秤貳

錢壹字

煨錢之法取小鐵鎚莖貫錢  
入爐生炭擁之候通赤以二

鐵手鉗用一鉗出火一鉗夾鎚莖腦倒  
錢入醋中鐵物外着醋恐淬下鐵屑也

再取錢水洗過上鎖莖再煨之如是數  
次錢色如銀即無可煨矣本方用銅線  
穿煨入火便斷  
極費力不可用

巴豆去皮殼心膜秤參錢半用酸漿水

壹盞煮至水欲盡焙乾研如泥

大黃錦紋緊實者取捌錢用小便浸柒日

每日壹換日足濕紙裹煨熟薄切焙乾為末秤取參錢半

羊脰炭即炭中圓細緊實如羊脰  
骨者取參肆寸却作拾餘段別以  
着炭同燒通紅淬入醇酒中如是



七遍烘乾爲末秤取半兩

右肆味合和搗數千杵乾甃罐子實  
築牒紙密封收高燥處每壹服壹字  
至半錢濃煎當歸酒和小便調下消  
詳之傷折即全用酒多飲不妨若產  
婦血未定及素飲酒少人即姑少借  
酒力行藥多以童子小便下之可也  
此藥累立竒効治者數人皆垂死而  
復活已折而復續轉以與人所濟又

不知數難產悶絕而復蘇者余今妻  
是也故知此藥爲最審傳者幸勿疑  
其瞑眩蓋不如此則不足以當奔敗  
之血且疾勢旣危固非平劑之所能  
愈也服藥後或如霍亂狀勿恠少選  
當自定下利甚者用前燒荊芥法止  
之此皆手試而親驗者故併錄以傳

大抵此藥性緊非  
大危急不可妄服

此藥難成非素備不

可得也每遇有姙娠將產必合壹料

以備用往往常有餘劑藥成或轉  
以與親識之喜蓄藥者故此藥所  
濟爲多陸子正題

婦人免蓐命如垂縷臨時濟急全  
藉藥石之功方書所載雖已詳備  
倉猝之際非唯泛濫難於檢尋且  
莫知其孰爲効驗者妄投一藥則  
不可復療余得此本皆撮諸家精  
要之方累試累驗乃廬倅陸子正

手抄之書也唯親舊間可以傳之他人不可得而見余雖不欲秘藏而傳本未免訛繆其爲害豈淺耶今重校證庶幾危急之時閱此方如指諸掌也嘉禾寓菴周澂題

衛生家寶產科備要卷第七

衛生家寶產科備要卷第八

形初保育

小兒初生將護法

巢氏病源小兒始生肌膚未成不可暖  
衣暖衣則令筋骨緩弱宜時見風日若  
都不見風日則令肌膚脆軟便易損傷  
皆當以故絮著衣莫用新綿也天和暖  
無風之時令母將抱日中嬉戲數見風  
日則血凝氣剛肌肉硬密堪耐風寒不

致疾病若常藏在幃帳之內重衣溫暖  
譬如陰地之草木不見風日軟脆不任  
風寒又當薄衣薄衣之法當從秋習之  
不可以春夏卒減其衣不則令中風寒  
從秋習之以漸稍寒如此則必耐寒冬  
月但當著兩薄襦一複裳耳令不忍見  
其寒適當佳耳愛而暖之適所以害也  
又當消息無令汗出汗出則致虛損便  
受風寒晝夜寤寐皆當謹之其飲乳食

哺不能無痰癖常當節適乳哺若微不  
進切當將護之凡不能進乳哺則宜下  
之如此則終不致寒熱也又小兒始生  
生氣尚盛無有虛勞微惡則須下之所  
損不足言及其愈病則致深益若不時  
下則成大疾疾成則難治矣其冬月下  
之難將護然有疾者不可不下夏月下  
之後腹中常當小脹滿故當節哺乳將  
護之數日間又哺哺之當令多少有常



劑兒稍大食哺亦當稍增若減少者此  
是腹中已有小不調也便當微將藥勿  
復哺之但當乳之甚者十許日輕者五  
六日自當如常若都不肯食哺而但飲  
乳者此是有癖爲疾重要當下之不可  
不下不下則致寒熱或吐而發癇或致  
下利此皆病重不早下之所爲也則難  
治先治其輕時兒不耗損而病速除矣  
小兒所以少病癇者其母懷娠時時勞

役運動骨血則氣強胎養盛故也若侍  
御多血氣微胎養弱則兒軟脆易傷故  
多病癰兒背須著帽項衣取燥菊花爲  
枕枕之兒母乳兒三時摸兒項風池若  
壯熱者即須熨使微汗微汗不差便灸  
兩風池及背第三椎第五椎第七椎第  
九椎兩邊各二壯與風池凡爲十壯一  
歲兒七壯兒大者以意節度增壯數可  
至三十壯唯風池特令多十歲已上可

百壯小兒常須謹護風池諫云戒養小  
兒謹護風池風池在頸項筋兩轅之邊  
有病乃治之疾微謹不欲妄針灸亦不  
用輒吐下聖惠乃云立夏後疾謹不欲妄針灸亦不欲輒吐下所  
以然者針灸傷經絡吐下動腑藏故也  
但當以除熱湯浴之除熱散粉之除熱  
赤膏摩之又以臍中膏塗之令兒在涼  
處勿禁水漿常以新水洗新生無疾謹  
不可逆針灸逆針灸則忍痛動其五脉

喜因成癇河洛間土地多寒兒喜病癲其俗生兒三日喜逆灸以妨之又灸頰以防噤有噤者舌下脉急牙車解急其土地寒皆決舌下去血灸頰以治噤江東地溫無此疾古方旣傳有逆針灸之法今人不詳南北之殊便按方用之多害於小兒是以田舍小兒任自然皆得無此夭又云春夏決定不得下小兒所以爾者小兒腑藏之氣軟弱易虛易實

下則下焦必虛益上焦生熱熱則增痰  
痰則成病自非當病不可下也

千金論生兒宜用其父故衣裹之生女  
宜以其母故衣皆勿用新帛爲善不可  
令衣過厚令兒傷皮膚害血脉發雜瘡  
而黃兒衣綿帛特忌厚熱謹之謹之

聖惠論凡小兒一朞之內造兒衣裳皆  
須用故綿及故帛爲之不得以綿衣蓋  
於頭面冬天可以裕衣蓋頭夏月宜用

單衣皆不得著面及乳母口鼻吹著兒  
顙凡綿衣不得太厚及用新綿令兒壯  
熱或即發癰特宜謹之也

聖惠論凡兒匍匐已後逢物即喫妳母  
雖至細意必亦不能盡覺春夏必飲滯  
水冷物至秋初便皆疾作初則多啼不  
食或好伏地面色青黃或時腹痛既不  
解說唯反拗多啼或逢水漿便喫不可  
制止或睡中驚啼或大便秘澀常人唯

知與紅雪釣藤飲子此二藥終日在口  
然自不見其効况腹中滯結已多必熱  
衝擊頗久二藥何能排去所以得秋氣  
風吹着背心脚心便成瘡疥庸醫與冷  
藥則傷滑不禁與澀藥則氣壅不行傷  
損藏腑益令不食遂使虛熱衝上面黃  
髮焦滯惡在內手足如火自然風水橫  
溢四肢便腫如此將養十無一存但每  
經春夏不問有病無病便須與四味飲

子多不三四劑即康強也

嬰孺論凡兒所以風者衣暖汗出風因而入也

張渙論嬰兒生後兩滿月即目瞳子成能笑識人乳母不得令生人抱之及不令見非常之物百晬任脉生能反復乳母當存節喜怒適其寒溫半晬尻骨已成乳母當教兒學坐二百日外掌骨成乳母當教兒地上匍匐三百日臍骨成



乳母當教兒獨立周晬膝骨已成乳母當教兒行步上件並是定法蓋世之人不能如法存節往往抱兒過時損傷筋骨切宜謹之爲吉

張渙論嬰兒冬月但當着夾衣及衲衣之類極寒即漸加以舊綿人家多愛子乃以綿衣過厚適所以爲害也

張渙論嬰兒須看稟受南北之殊用藥蓋地土寒溫不同此古人之最爲謹也

嬰童寶鑑論孩子春勿覆頂裹足致陽  
氣亡出故多發熱衣物夜露多生天癰  
三歲之中勿太飽勿太飢臥須覆肚食  
須飲水漿若能如此者則子少患而無  
夭傷矣

萬全方論田舍婦人產育皆不知小兒  
初生將護之法所養有絕無他疾者譬  
之凡草凡木生於深山大澤之中容易  
合抱至於奇材異果縱加培擁間有不

秀實者此豈貴賤之理有異哉蓋天之  
於物出於自然古人亦云小兒始生肌  
肉未成不可暖衣即令筋骨緩弱宜見  
風日若都不見風日即令肌膚脆軟便  
易傷損皆以絮著衣內勿用新綿天氣  
和暖無風之時令乳母抱兒日中嬉戲  
數見風日即血凝氣剛肌肉硬密堪耐  
風寒以田舍小兒較之此說尤長

擇乳母法

千金論乳母者其血氣爲乳汁也五情  
善惡悉是血氣所生也其乳兒者皆宜  
謹於喜怒夫乳母形色所宜其候甚多  
不可求備但取不胡臭癭癭氣嗽癆疥  
癰癰白禿癭瘍瀦屑耳聾鼈鼻癰癰無  
此等疾者便可飲兒也但見其故灸癰  
便知其先疾之源也

### 乳兒法

聖惠論凡爲乳母皆有節度如不禁忌

即令孩子百病並生如是自曉攝調可  
致孩子無疾長壽是以春夏切不得衝  
熱哺孩子必發熱疳并嘔逆秋冬勿以  
冷乳哺孩子必令腹脹羸瘦乳母嗔怒  
次不得哺孩子必患狂邪乳母醉後不  
得哺孩子必患驚癇天瀉急風等病乳  
母有娠不得哺孩子必患胎黃及脊疳  
乳母有疾不得哺孩子必患癰癤風病  
乳母吐後不得哺孩子必令嘔逆羸瘦

乳母傷飽不得哺孩子必致多熱喘急

### 乳母雜忌法

聖惠論乳母忌食諸豆及醬熱麵韭蒜  
蘿蔔等可與宿煮羊肉鹿肉野雞鴈鴨  
鯽魚葱薤蔓菁蒿苣菠薐青麥苳蓬冬  
瓜等食若兒患疳即不得食羊肉及魚  
又不得油膩手襖裹及抱兒又不得以  
火炙襁褓熱時便與兒著令孩子染熱  
病始終須謹大抵冬中切宜戒之若天

大寒以火炙衣被且拋向地上良久熟  
接之冷暖得所即與孩子褊之無妨如  
乳母有夫不能謹卓者切須防備儻新  
有過犯氣息未定便即乳兒者必能殺  
兒未滿月內所驅使人亦不得令有所  
犯到於兒前惡氣觸兒兒若得疾必難  
救療也

### 哺兒法

姚和衆云小孩初生七日助穀神以導

達腸胃研粟米煮粥飲厚薄如乳每日  
研與半粟殼

錢乙云小兒多因愛惜過當往三兩歲  
猶未與飲食致脾胃虛弱平生多病自  
半年以後宜煎陳米稀粥取粥面時時  
與之十月以後漸與稠粥爛飯以助中  
氣自然易養少病惟忌生冷油膩甜物  
之類

## 浴兒法



千金論凡浴小兒湯極須令冷熱調和  
冷熱失所令兒驚亦致五臟疾也凡兒  
冬不可久浴浴久則傷寒夏不可久浴  
浴久則傷熱數浴背冷則發癰若不浴  
又令兒毛落新生浴兒者以豬膽壹枚  
取汁投湯中以浴兒終身不患瘡疥勿  
以雜水浴之兒生三日宜用桃根湯浴  
桃根李根梅根各三兩枝亦得咬咀之  
以水參斗煮二十沸去滓浴兒良去不

祥令兒終身無瘡疥治小兒驚辟惡氣  
以金虎湯浴金壹斤虎頭骨壹枚以水  
叁斗煮爲湯浴但須浴即煮用之

### 拭兒口法

千金論曰小兒初生先以綿裹指拭兒  
口中及舌上青泥惡血此謂之玉衡若  
不急拭啼聲一發即入腹成百病矣千  
金翼玄成痞病死

聖惠論凡兒初飲乳後以髮纏指沾清

水點拭了看齒根上有黃筋兩條便以  
葦刀子割斷點豬乳便差如兒口繫開  
但先點豬乳自開

小兒集驗方云小兒初生每日以井華  
水或微溫水將潔靜舊軟帕子裏乳母  
手指蘸水撩拭小兒口中因而撩舌及  
兩頰令稍寬舒即不生口噤積熱風疾  
等病京畿與山東人多能之謂之撩兒  
口拭畢仍用少研細入麝香乾坯子烟

脂塗口中令兒美乳食

小兒集驗方云東平有一老嫗善與小

兒拭口使不生鍊銀云小兒上下脣與

齒斷相連處皆有一筋牽引若上脣

筋緊即生上煉下脣筋緊即生下煉

上煉生瘡滿頭或生眉間如有癰狀

搔痒不已時復流出黃汁汁至處又生

瘡若下煉則起腰背漸至四肢亦如癰

狀亦搔痒黃汁不已若疾盛不治或

頭面上下相通累年不較又咬折或成大疾惟是每日早晨取溫水壹盞令其乳母以故軟潔靜帕子包手第二指蘸溫水拭兒口中渲下又拭又捺使兒口中淨及捺上下筋令寬舒即小兒自美乳食諸疾不生亦永無煉銀惟使筋寬舒是法京畿見小兒失捺變爲口噤不喫奶或不解捺而生煉銀者不可勝數

## 斷臍法

千金論曰凡斷臍不得以刀子割之須  
令人隔單衣物咬斷兼以暖氣呵七遍  
然後纏結所留臍帶令至兒足趺上短  
則中寒令兒腹中不調常下痢若先斷  
臍然後浴者則臍中水臍中水則發腹  
痛其臍斷訖連臍帶中多有蟲宜急剔  
撥去之不爾入兒腹成疾斷兒臍者當  
令長陸寸長則傷肌短則傷藏若不以

時斷及按汁不盡則令暖氣漸微即自  
生寒令兒臍風

嬰童寶鑑論小兒斷臍云凡小兒生下  
可先浴而後斷臍及可以衣襯而口齧  
之不然則刀斷如刀斷者則以剪刀先  
於懷中厭令暖方用又斷之則臍帶不  
可令長只如子足長短短即中寒而傷  
藏長即傷膚先斷而後洗即令水入臍  
中孩子多天癰痛苦啼叫面青黑爲中

水患也臍若短即腹中不調常下痢有中寒之患其臍不可傷動傷動即令久不乾如不乾即傷外風傷外風即口噤小兒不可救也

祕要指迷論曰嬰兒初生剪去臍帶切令剪刀暖不可傷冷及外風所侵

### 灸臍法

聖惠云小兒生一宿抱近明無風處看臍上有赤脉直上者當時於脉盡頭灸



三壯赤散無患矣

裹臍法

千金論凡裹臍法椎治白練令柔軟方四寸新綿厚半寸與帛等合之調其緩急急則令兒吐喎兒生二十日乃解視臍若干許日兒怒啼似衣中有刺者此或臍燥還刺其腹當解之易衣更裹裹臍時閉戶下帳燃火令帳中溫暖換衣亦然仍以溫粉粉之此謂冬時寒也若

臍不愈燒絳帛末粉之若過一月臍有

汁不愈燒蝦蟇灰粉之日三四度

千金翼云

燒蝦蟇灰治末粉臍中又云若臍未愈乳兒太飽令兒風臍也若臍中水及

中冷則令兒腹絞痛天糾啼呼面目青

黑此是中水之過當灸粉絮以熨之不

時治護臍至腫者當隨輕重重者便灸

之乃可至八九十壯輕者臍不大腫但

出汁時時啼呼者擣當歸末和胡粉傳

之灸絮日熨之至百日愈以啼呼止爲

候若兒糞青者冷也與臍中水同

### 甘草法

葛氏肘後方小兒新產出未可與朱蜜  
取甘草如中指節炙碎以水貳合煮取  
壹合以纏綿點兒口中可得一蜺殼止  
兒當便吐胃中惡汁此後待兒飢渴更  
與之若兩服並不吐盡壹合止若得吐  
惡汁兒智惠無病

### 黃連法

小兒集驗方云凡小兒初生必有惡  
汁留於胃次若不消去即胃膈壅塞  
易生蘊熱驚癇瘡癰皆由此也故小兒  
纔生一臘之內用好肥黃連數塊槌碎  
每少許厚以綿包裹如妳頭狀湯內  
浸成黃汁時復拈撫一二點在小兒  
口內即惡汁自下乳食便美其後或  
間以朱蜜與之若見惡汁已下即已  
有只用空綿包別浸黃連蘸苦汁與

之者

豬乳法

千金論曰凡新生小兒一月內常飲豬乳大佳

聖惠法凡取豬乳須令豬兒飲母次便提豬兒後脚起離乳急捋之即得空捋無由得汁

張渙論嬰兒初生滿月內常時時旋取豬乳滴口中最為佳矣

## 藏衣法

外臺崔氏凡藏兒衣法兒衣先以清水洗之勿令沙土草污又以清酒洗之仍內錢壹文在衣中盛於新瓶內以青帛裹其瓶口上仍密蓋頭且置便宜處待滿三日然後依月吉地向陽高燥之處入地叁尺埋之瓶上土厚壹尺柒寸唯須牢築令兒長壽有智惠若藏衣不謹爲豬狗所食者令

兒癲狂蟲蟻食者令兒病惡瘡犬鳥  
食者令兒兵死近社廟傍者令兒見  
鬼近深水洿池令兒溺死近故竈傍  
令兒驚惕近井傍者令兒病聾盲奔  
道路街巷者令兒絕嗣無子當門戶  
者令兒聲不出耳聾著水流下者令  
兒青盲奔於火裏者令兒生爛瘡著  
林木頭者令兒自絞死如此之忌皆  
須一謹之

外臺崔氏又安產婦及藏衣天德月空法

正月天德在丁月空在丙壬

二月天德在坤月空在甲庚

三月天德在壬月空在丙壬

四月天德在辛月空在甲庚

五月天德在乾月空在丙壬

六月天德在甲月空在甲庚

七月天德在癸月空在丙壬

八月天德在艮月空在甲庚



九月天德在丙月空在丙壬

十月天德在乙月空在甲庚

十一月天德在巽月空在丙壬

十二月天德在庚月空在甲庚

凡藏兒衣皆依此法天德月空處埋之若有遇反支者宜以衣內新瓶盛密封塞口掛於宅外福德之上向陽高燥之處待過月然後依法埋藏之大吉

外臺崔氏又法甲寅旬日十日不得藏  
埋兒衣以瓶盛密封安置空處度十  
日即藏埋之

外臺崔氏又法甲辰乙巳丙午丁未戊  
申此五日亦不藏兒衣還盛瓶中密  
塞勿令氣通掛著兒生處過此五日  
即埋之亦不得更過此日

外臺崔氏又法甲乙日生兒丙丁日藏  
衣吉丙丁日生兒戊巳日藏衣吉戊

巳日生兒庚辛日藏衣吉庚辛日生  
兒壬癸日藏衣吉

子母祕錄藏衣法先用壹罐盛兒衣先  
以清水洗次以清酒洗次入大豆壹  
合次小豆壹合次城門土市門土獄  
門土葱園中土韭園中土各壹合重  
重覆之上用五色帛各壹尺伍寸重  
重繫罐口上用鐵券朱書云大豆某  
胡去無辜小豆歷歷去子癰城門土

見公卿市門土足人行獄門土辟盜  
兵葱韭園土剪復生與兒青令兒壽  
命得長生與兒赤令兒身命皆清吉  
與兒白令兒壽祿皆千百與兒皂令  
兒長壽不衰老與兒黃令兒清淨去  
百殃急急如律令將此令於壹尺貳  
寸鐵葉上先用淨墨塗遍上以朱砂  
寫此語令在上置在罐口上且放便  
處待滿三日然後於月吉向陽高燥

之處入地叁尺埋之罐上令土厚壹尺柒寸唯須牢築使兒長壽有智慧

### 剃頭法

外臺崔氏初剃兒頭良日

寅丑日吉

丁未日凶

集驗方京畿初剃小兒頭不擇日皆於滿月日剃之蓋風俗所尚前此產婦未得出房滿月即與兒俱出以謂胎髮穢惡多觸神竈小兒不安故此日

必剃頭而出剃頭於溫暖避風處剃之剃後須以生油杏仁膩粉頭上擦之以辟風邪其後小兒剃頭亦宜用此禳謝法

外臺崔氏禳謝法

軒轅者乾神天丞相使者風伯犯之令兒驚吐可取梨枝陸寸埋生處大吉

雷公者震神太陰使者天馬犯之令

兒煩悶腹滿解之以三屠家肉爲餅於產處謝之大吉

咸池者坎神天之雨師使者犯之令兒啼不止用羊脯酒於生處謝之豐隆者艮神天之東明使者天僕也害氣犯之令兒乍寒乍熱大腹以白魚貳枚於生處謝之又大豆壹升投井中亦大吉

招搖者坤神天上使者犯之令兒驚

空嚼不止以酒餅生處謝之即愈  
天候者巽神天一執法使者犯之令  
兒腹脹張眼以白魚貳枚於生處  
謝之吉

吳時者离神天一將軍遊擊使者犯  
之令兒驚腹痛用馬脯伍寸於生  
處謝之吉又以白魚伍枚并棗餅  
埋其生處吉

大時吉兌神小時北斗使者犯之令



兒腹脹下痢解之以酒脯於生處  
謝之又以大豆壹升投井中吉

犯月殺者令兒驚啼用丹雄雞血於  
生處謝之吉

犯白虎者用稻米壹升雞子叁枚於  
生處謝之吉黍米亦得

犯大夫者用羊肝叁枚及稻米壹升  
於生處謝之吉又用雞羝羊脾黍  
米亦得

犯日遊者令兒口噤色變欲死者用  
三屠家肉麥飯於生處謝之吉

初生不作聲

千金論云兒生落地不作聲者取暖水  
壹器灌之須臾當啼又云兒生不作聲  
者此由難產少氣故也可取兒臍向身  
却捋之令氣入腹仍呵之至百度啼聲  
自發亦可以葱白徐徐鞭之即啼兒始  
生即當舉之遲晚則令中寒腹內雷鳴

乃先浴之然後斷臍

初生不喫奶

巢氏病源小兒難乳候凡小兒初生看  
產人見兒出急以手料拭兒口無令惡  
血得入兒口則兒腹內調和無有病疾  
若料拭不及時則惡血穢露兒咽入腹  
令心腹痞滿短氣兒不能飲乳謂之難  
乳又兒在胎之時母取冷過度冷氣入  
胞令兒着冷至兒生出則喜腹痛不肯

飲乳此則胎寒亦名難乳也

初生吐不止

錢乙論初生下拭掠兒口中穢惡不盡咽入喉中故吐凡初生急須拭掠口中令淨若啼聲一發則咽下多生諸病

初生有懸癰病

千金論曰小兒出腹六七日後其血氣收斂成肉則口舌喉頰裏清淨也若喉裏舌上有物如蘆籜盛水狀者名懸癰

有脹起者可以綿纏長針留刃處如粟米許大以刺決之令氣泄去青黃赤血汁也一刺之止消息一日未消者來日又刺之不過三刺自消盡餘小小未消三刺亦止自然得消也有着舌下如此者名重舌有着頰裏及上齦如此者名重齦有着齒斷上者名重斷皆刺去血也

初生有重舌

巢氏病源小兒重舌候小兒重舌者心

脾熱故也心候於舌而主於血脾之絡  
脉又出舌下心火脾土二藏母子也有  
熱即血氣俱盛其狀附舌下近舌根生  
形如舌而短故謂之重舌

葛氏肘後治卒重舌方

用燒蛇蛻皮爲末唾和塗舌上即  
差又用釜下土苦酒和塗舌上

初生着噤

巢氏病源小兒噤候小兒初生口裏忽

結聚生於舌上如黍粟大令兒不能取  
乳名之曰噤此由在胎時熱入兒藏心  
氣偏受熱故也

長樂朱端章以所藏諸家產科  
經驗方編成八卷刻版南康郡  
齋淳熙甲辰歲十二月初十日

衛生家寶產科備要卷第八

此淳熙十一年長樂朱氏取諸家產譜亦名刻成書中寓轅轍字俱故  
筆又九皆作國避欽宗嫌名也其所載產育寶慶集方陳直齋謂李  
師聖有說無方醫藥教授郭稽中為時良醫而方附諸論遂為完書今  
攷師聖自序知郭與李同好是書實成於師聖也當歸一味散注引王  
子亨指迷論子亨名貶直齋書目載之今已失傳桃仁承氣湯謂龐  
安常用之驗按安常名安時今有傷寒按痛傷心世產育方藥專書  
唐志載咎殷產寶一卷今惟寶慶集方尚存永樂大典中然已佚去借  
地法矣猶賴此書傳之而采虞沆備產濟田方諸論尤為切要安得  
好事重為刊布俾得家置一編則活人之報當不小矣嘉慶辛酉夏  
黃君芑圃自都門購歸出以相賞因識數語以為奇書欣頌



頃從陳仲魚處借得敏求記檢閱家有產科  
備要八卷所載長樂云、與汝叔同特於十一月  
初十日六字而淳熙甲辰歲五字在初板而康郡  
齋六字上殆少易原又入于記中尔曾云褚墨  
精好可愛與余所收正同想不是宋板也愛重  
誌數語以見述古堂中不食言秘如此

嘉定錢大昕觀時年七十有四